

H.26-10

11



A. S. PUŞKIN

ŞUARNA KALANIEKKAH I KALAZEH NÄH

DETIZDAT ÇK VLKSM ★ 1937

[Faint, illegible text, possibly bleed-through from the reverse side of the page]

[Faint, illegible text]



Карел.
3-35.



A. S. PUŞKIN

SUARNA
KALANIEKKAH
I KALAZEH NÄH

V. KONAŞEVICAN RISUNKAT

KIÄNDI JE. DUDKINA



ÇK VLKSM
DETSKOIN LITERATURAN JZDATELJSTVA
MOSKU ★ 1937 ★ LENINGRADA

NUOREMMILLA ŞKOLNIKOILLA VAROIN


Релактор А. БЕЛЯКОВ
Тех. ред. КИМ ДОН-ЧУН
Корректор Е. ДУДКИНА

• •

Сдано в произв. 16/X 1936 г.
Подписано к печ. 8/I 1937 г.
Индекс ДН-6. Детиздат № 952.
Формат 62 × 94¹/₁₆ 1 печ. л.
Уполномоч. Главлита № Б-30651.
Тираж 3000 экз. Заказ № 2653.

* *

17-я ф-ка нац. книги ОГИЗ'а
РСФСР треста «Полиграф-
книга», Москва, Шлюзовая
наб., д. № 19.



Eli ukko omanke akanke
Aivis sinizen meren rannalla;
Elettih hyö pahassa muapertizessä
Rovno kolmekymmendä i kolme vuotta.
Ukko pyvdi nuotalla ka'ua,
Akka kezräi työstä langua.
Kerran ukko loi mereh nuotan,
Tuli nuotta yhenke liivanke.
To'zen kerran loi hiän nuotan,
Tuli nuotta meriheinänke.
Kolmannen kerran loi nuotan,
Tuli nuotta yhenke kalazenke,



Ei prostoinke kalazenke, a kuldazenke.
Rubei kuldane kalane
Miehen iänellä pyrgimäh:
„Lasse milma, ukkone, mereh järelläh,
Kallehen lunnaşşannan icciestä annan:
Lunnaştuacen millä şie vain tahtonnet“.
Diivuicci ukko, pölläşty:
Kolmekymmendä i kolme vuotta
Pyvdi kalua hiän,
A ei kuvlun, ştoşbь kala pagiziis.
Laşki hiän kuldazen kalazen
I şano hänellä hyvän şanazen:

„Jumalanke, kuldane kalane!
Lunnassandua şivn mivla ei pie;
Myöştäce järelläh sinizeh mereh,
Guljai şielä, kuin i ennen“.

Myöştäci ukko akan luoh,
Şaneli hänellä şuvreh cuvдах näh:
„Pyvviin tänäpiänä mie kalazen,
En prostoizen, a kuldazen;
Miän rukah pagizi kalane,
Pyrgi kodih, mereh sinizeh,
Kallehella hinnalla lunnastelieci:
Lunnastelieci millä vain mie tahtonnen.
Hänestä en ruohkin ottua lunnassandua;
Niin hänen laşšiin sinizeh mereh“.
Rubei akka ukkuo havkkumah:
„Hovkka şie olet, prostofilja!
Lunnassandua kalazeşta ottua şie et
mahtan!
Stirainda karta ynnäh on hallen,
Hoţь бь hänen oiziit kalazelda pakon“.

Läksi ukko sinizen meren luoh;
Nägöv: meri vähäzeldi kizavdu.



Rubei hiän kullastja kalastja kuccumah,
Uiceldь kalane i häneldä kyzyv:

„Midä şivla pidäv diedo?“

Kumarduaci ukko i şanov hänellä:

„Piässä hiäştä, gosudarьnja kalane,
Havkku ynnäh mivn oma akka,

Ei mivla ukolla spokojuua ana:

Pidäv hänellä uvzi karta;

Miänoma ynnäh on hallen“.

Vaştuav hänellä kuldane kalane:

„Elä gorjui, mäne jumalanke,

Liev teilä uvzi karta“.

Myöştäci ukko akan luoh,

Uvzi karta akalla ieşşä.

Vielä enämmäldi havkkuocov akka:



„Hovkka sie, prostofilja!
Pakkoit, hovkka, kartan!
Äijä-go tolkuo on kartassa?
Kalazen luoh, hovkkane myöšťäce;
Perti pakkuo,—kumarduace“.

Läksi ukko sinizen meren luoh
(Mudavdu sinine meri),
Rubei hiän kullastja kalastja kuccumah.
Uiceldь hänen luoh kalane, kzyldi:
„Midä sivla pidäv, diedo?“
Kumarduaci ukko i sanov hänellä:
„Piässä hiästä, gosudarьnja kalane!
Puşa vielä enämmäldi havkkuocov akka,

Ei mivla ukolla spokojua ana:
Pertie pakkuov akkaraiska".
Vaštuav hänellä kuldane kalane:
„Elä gorjui, mäne jumalankel!
Niin i olgah: liev teilä perti“.

Läksi hiän muapertizen luoh,
A šiinä jo i pertizen jälgie ev;
Hänen iessä perti svetjolkanke,
Kirpicäštä valgienke trubanke,
Tammizista lavvoista verejinke.
Istuv akka ikkunavierošša,
Havkkuv šulahastja kaikella ilmalla:
„Hovkka šie olet, kohalline prostofilja!
Pertin, prostofilja, pakkoit!
Myöštäce, kalazella kumarduace:
En taho olla muštana krestjankana.
Tahon olla stolbovoina dvorjankana“.

Läksi ukko sinizen meren luoh
(Ev spokoinoi sinine meri);
Rubei hiän kullastja kalastja kuccumah,
Uiceldь hänen luoh kalane, kyzylidi:
„Midä šivla pidäv, diedo?“



Kumarduaci ukko i šanov hänellä
„Piässä hiästä, gosudarъnja kalane:
Enämmäldi iellistä akka hovkkeni,
Ei mivla ukolla spokojua ana:
Ei jo taho olla hiän krestjankana,
Tahtov olla stolbovoina dvorjankana“
Vaštuav hänellä kuldane kalane:
„Elä gorjui, mäne jumalanke!“

Myöšťäci ukko akan luoh.
 Midä hiän nägöv? Korgie terema¹⁾,
 Akka ŕeizov kыncoin ieŕŕä
 Kallehissa sobolin²⁾ mehoissa,
 Sborniekkä ŕulkune piäŕŕä,
 Kaglaŕta ymbäri zemcugat³⁾,
 Kuldazet bruslietat käzissä,
 Jalloissa ruŕkiezet ŕuappuazet.
 Hänellä ieŕŕä vernoit slugat;
 Hiän heidä pergav, tukista vatuldav.
 ŕanov ŕiinä ukko omalla akalla:
 „Tervehenä, bojuarina-sudarыnja
 dvorjanka!
 On-go nyt hengi ŕivn kylläŕtyn?“
 Ravahtь akka ukolla vaŕtah,
 Käŕki sluvzimah konjuŕnjah männä.

Ka nedeli, toine proidiv,
 Enämmäldi iellistä hovkaŕtav akka;
 Tuas ukkuo työndäv kalazen luoh:

1) Terema — starinnoin bohatoin kojın nimi.

2) Soboli — zvierine, kumbazen nahkane on ylen kallis.

3) Zemcuga — ŕomat kallehet ŕarazet, kumbazet luadiece-
 tah meriruakkuzissa.



„Myöšťäce kalazen luoh, kumarduace:
En taho olla stolbovoina dvorjankana,
Tahon olla voljnoina çariçana“.

Pöllästy ukko, ruguolievov:

„Midä ŝie, akka, sbeiccieiit hajulda?

Ni paissa, ni harpata et maha,

Nagratat ŝie kaiken muakunnan“.

Šiändy akka enämmäldi ennistä,

Kuin cilkuav ukkuo nägyö vaŝ:

„Ah şie, muzikka,
Kuin şie ruohit kiistiä mivnke,
Mivnke stolbovoinke dvorjankanke?
Mäne meren luoh, şivla hyväzeşt
şanotah;
Et lähe hyvällä, vägeh şuatetah“.-

Läksi ukko meren luoh
(Muştene sinine meri);
Rubei hiän kullastja kalastja kuccumah,
Uiceldь hänen luoh kalane kyzyldi:
„Midä şivla pidäv diedo?“
Kumarduaci ukko i şanov hänellä:

„Piäşşä hiäştä, gosudarьnja kalane!
Tuaş buntuiccov mivnoma akka:
Jo ei taho olla hiän dvorjankana,
Tahtov olla voljnoina çariçana“.
Vaştuav hänellä kuldane kalane:
„Elä gorjui, männe jumalanke!
Hyvä! Liev şivn akka çariçana!“

Ukkone akan luoh myöştäci,
I midiä? Nägöv çuarin dvorça iessä,
Omua akkua nägöv hiän dvorçaşşä.



Stolan laguana istuv hiän çarlıcana..

Stolan taguana istuv hiän çariçana,
 Sluvzitat hänellä bazarit da dvorjaninat,
 Naleijah hänellä zamorskoida viinua;
 Zakussiv hiän magiella prʙänikällä;
 Ymbäri hänestä straza şeizov,
 Olgupäillä kirvehyzie pietäh.
 Kuin dogadi ukko, pöllästy;
 Akalla hiän jalgoih kumarduaci,
 Şanov: „Tervehenä groznoi çariça!
 On-go hengine kylläştyn şivnoma?“
 Akka häneh ei kacahtan,
 Käski vain ajua ukkuo şilmistä.
 Hypähettih bazarit i dvorjaninat,
 Nişsoista ukkuo pois tolkaidьh.
 A oviloissa häneh straza hypähäldi,
 Kirvehyzillä vähästä ei leikottu;
 Rahvaş hänen piällä nagrattelieci:
 „Niin i pidäv şivla vanha nevezal
 lelleh päin paremmiin tiedäziit:
 I vierahah regeh et istuociis!“

Ka nedeli, toine proidiv,
 Hovkkeni akka enämmäldi iellistä:
 Työndi ukkuo vaş dvorçan slugat.


Lövvettih ukon, tuodьh akan luoh.
Şanov akka ukolla:
„Myöştъäce, kalazella kumarduace,
En taho olla voljnoina çariçana,
Tahon olla meren vladьciçana,
Ştobь eliä mivla şuvreşsa mereşşä,
Ştobь sluvziis mivla kuldane kalane
I ois mivla kaikkienne pošьloina“.

Ei ruohkin vařtah ukko iändiä,
Ei ruohkin vařtah şanua virkua.
Ka mänöv hiän sinizen meren luoh,
Nägöv, merellä şuvri burja:
Niin i novşşah şiändynnyöt vualut,
Niin i kävelläh, ulvuon ulvotah.
Rubei hiän kullastja kalastja kuccumah,
Uiceldь hänen luoh kalane, kzyldi:
„Midä şivla pidäv, diedo?“
Kumarduaci diedo i şanov hänellä:
„Piäşşä hiäřtä, gosudarьnja kalane!
Midä mivla ruadua pahalazenke akanke?
Jo ei taho olla çariçana,
Tahtov olla meren vladьciçana;
Ştobь eliä hänellä mereşşä-okijanaşsa,



I ştobь şie ice sluvziziit hänellä
I oliziit hänellä pošьlnoina".
Nimidä ei şanon kalane,
Häimäi vain vettä myötj hännällä
I uidi hiän şyväh mereh.

Viikon meren luona vuottь ukko
otviettua,
Ei vuottan, myöştьäci akan luoh—
Nägöv: hänen ieşşä tuaş muapertine;
Kynnykşellä istuv hänen akka,
A hänellä ieşşä hallennun karta.



НИИДА 25 КОР.
ЦЕНА 25 КОП.

M12.71 | Карел
3-35

123

А. С. ПУШКИН
СКАЗКА
О РЫБАКЕ И РЫБКЕ

на карельском языке

ПЕРЕВОД Е. ДУДКИНОЙ